

# **LLANDEILO FAWR TOWN COUNCIL.**

*Cyngor Tref Llandeilo Fawr*

## **Cyngor Tref Llandeilo Fawr**

Neuadd y Sir,  
Heol Caerfyrddin,  
Llandeilo,  
SA19 6LA.



### **Rhagair**

Dros yr ychydig flynyddoedd diwethaf mae Cyngor Tref Llandeilo wedi ymdrechu i gyflawni rhaglen o waith cynnal a chadw ar yr Hawliau Tramwy sydd o fewn ardal y dref, trwy dorri, tocio a dweud wrth CSC am unrhyw ddifrod i gataiau mochyn, sticlau, pontydd troed a llwybrau troed.

Gellir defnyddio'r holl llwybrau sydd ar y Map Swyddogol heblaw am LL/T 69/3. Gellir gweld y Map Swyddogol yn Swyddfeydd y Cyngor Sir yn Heol Cilgant Llandeilo.

Nid yw'n bosib i **gadeiriau olwyn** fynd ar hyd y llwybrau oherwydd y tir mwdlyd, serth a'r gataiau mochyn a sticlau sydd ar eu hyd.

Fodd bynnag mae yna un llwybr troed LL/T 43/2 sy'n gallu caniatáu mynediad cyfyngedig i gadeiriau olwyn mewn tywydd sych.

### **(Disgrifiad Byr / Lleoliad)**

#### **LLWYBR TROED RHIF 69/1 GLAN-DYFFRYN (GLYN CEIRCH) I FYTHYNNOD Y 'WALK'**

Mae'r llwybr troed hwn yn mynd o ben gogleddol Heol Rhosmaen Glan-Dyffryn heibio i fferm o'r enw Glyn Ceirch, i 'Crug Manor' ac allan i'r A40 wrth fythynnod y 'Walk'. Nid yw'n rhwydd iawn i gerdded ar hyd y llwybr troed hwn mewn tywydd gwlyb. Yn y dyfodol agos mae C.S.C. am wella'r broblem hon, maent wedi gosod gataiau mochyn newydd yn lle'r sticlau er mwyn gwneud mynediad yn haws.

#### **LLWYBR TROED 69/2 'CRUG HOUSE' I LL/T 44/13 (Croesi Ffordd Osgoi v Gogledd)**

Wrth i chi adael 'Crug Manor' mae'r arwydd bost ar y dde yn nodi troad i'r dde fydd yn mynd â chi ar draws ffordd osgoi'r gogledd i lawr y llethr ac ar draws pont droed sy'n ddiogel ond heb ei hadeiladu'n dda iawn, er mwyn ymuno â LL/T 44/103, ac allan i 'Gurry Manor'.

#### **LLWYBR TROED 69/3 TERAS TOMOS I DDIWEDD HEOL YR ORSAF**

**Doedd hi ddim yn bosib defnyddio'r llwybr troed hwn (mae garej 'Station Motors' bellach ar y llwybr troed hwn)**

#### **LLWYBR TROED 69/4 MAES MWYN I TERAS TOMOS**

Ffordd fyrrach i fynd o un lle i'r llall yw'r llwybr troed hwn, ond does yna ddim golygfeydd.

#### **LLWYBR TROED 69/5 HEOL CILGANT I BONT Y BRENIN**

Does yna ddim golygfeydd gwych o ddyffryn Tywi i'w gweld o'r llwybr troed hwn ac ar un adeg dyma un o'r prif ffyrdd i mewn i Llandeilo o'r enw Ysgubor Abad, yn y pen pellaf rydych yn croesi'r afon Tywi ar hyd Pont y Brenin a adeiladwyd yn 1911 ond fe'i hadwaenir yn lleol fel y 'Swing Bridge', a hynny am resymau amlwg.

#### **LLWYBR TROED 69/6 SGWÂR BRADFORD GIÂT MOCHYN YR EGLWYS I HEOL YR EGLWYS**

Mae'r llwybr troed yn croesi Iard Eglwys Sant Teilo o'r A483 ac allan i Heol yr Eglwys. Mae yna amrywiaeth o goed sy'n werth eu gweld, ac wrth gwrs ffynnon yr eglwys.

**LLWYBR TROED 69/7 LODGE DWYREINIOL DINEFWR 43/2 HEN GABAN HEOL  
CAERFYRDDIN I GIÁT MOCHYN FFERM DINEFWR LL/T43/2**

Mae'r llwybr troed hwn yn dechrau ychydig heibio i brif fynedfa Tŷ'r Drenewydd Heol Caerfyrddin ac mae'n croesi tir amaethyddol agored i Fferm Dinefwr, mae yna olygfeydd bendedig o Gastell Dinefwr, Tŷ'r Drenewydd a thir parc gwych. Ar hyd y ffordd gwelir y safle Rhufeinig Hanesyddol a welwyd ar y teledu yn ddiweddar.

**LLWYBR TROED 69/9 HYDD GWYN**

Lluniwyd y llwybr troed hwn er mwyn croesi Ffordd Osgoi'r Gogledd o ardal yr Hydd Gwyn.

**LLWYBR TROED 69/8 NANT-Y-RHIBO**

Lluniwyd y llwybr troed hwn er mwyn creu cyswllt â Ll/T 69/9 Hydd Gwyn.

**LLWYBR TROED 43/4 LLWYNHELIG I FYTHYNNOD COCH**

Mae'r llwybr troed yn cysylltu ffordd Penybanc gyda ffordd osgoi'r Gogledd ac unwaith eto mae'n daith gerdded bleserus, mae'n croesi ystâd Llwynhelig a cheir coed derw aeddfed yn tyfu ar ei hyd. Heb amheuaeth nifer o flynyddoedd yn ôl roedd yna ddefnydd cyson yn cael ei wneud o'r llwybr hwn gan bobl oedd yn gweithio ar ystâd Dinefwr, oedd yn byw yn ardal Penybanc.

**LLWYBR TROED 43/3 NANT-Y-RHIBO**

Ceir arwydd bost i'r llwybr troed hwn ar ffordd Penybanc sydd ychydig oddi ar y ffordd osgoi ogleddol, ac mae'n bodoli rhwng dau fwthyn yn Nant-y-rhibo ac yn daith gerdded eithaf anodd. Unwaith eto pobl oedd yn gweithio ar ystâd Dinefwr oedd yn ei ddefnyddio fwyaf a hynny cyn i'r ffordd osgoi Gogleddol gael ei hadeiladu.

**LLWYBR TROED 43/1 BYTHYNNOD COCH HEIBIO PEN PARC I GWRDD Â LL/T42/7**

Yn wir mae'r llwybr troed hwn yn mynd â chi yn ôl mewn amser, mae'n eich tywys o'r Bythynnod Coch, heibio adeiladau allanol fferm Dinefwr i fyny'r lôn ac efallai os ydych yn ffodus gallwch weld y gwartheg gwyn hynafol, i lodge Pen-parc, a heibio i'r fynedfa i Dŷ'r Drenewydd o'r hen ffordd o 'Kings Lodge'. I lawr heibio i'r wal o gerrig sych sy'n amgáu'r parc ceirw gallwch weld y ceirw coch a llwyd. Yna mae'r llwybr troed ym mynd yn ei flaen i Fferm Penybanc.

SWYDDOG TECHNEGOL

D. I. DAVIES.